

**CONSELLERÍA DE POLÍTICA
TERRITORIAL, OBRAS PÚBLICAS
E VIVENDA**

Resolución do 16 de xuño de 2005, da Dirección Xeral de Transportes, pola que se convocan probas de constatación da capacitación profesional para o exercicio das actividades de transportistas por estrada, axencia de transportes de mercadorías, transitario e almacenista-distribuidor.

A Lei 16/1987, do 30 de xullo, de ordenación dos transportes terrestres, e o seu regulamento, aprobado por Real decreto 1211/1990, do 28 de setembro, determinan que para o exercicio das actividades de transportistas de viaxeiros e mercadorías por estrada, de axencia de transporte de mercadorías, transitario e almacenista-distribuidor, deberase acreditar previamente o cumprimento do requisito de capacitación profesional. Para estes efectos, e de conformidade co establecido na Lei orgánica 5/1987, do 30 de xullo, pola que se delega na Comunidade Autónoma de Galicia a competencia para a convocatoria, realización e avaliación das probas e posterior expedición do título, procede convocar aquelas, así como determinar as datas de celebración das probas e dos tribunais que as avaliarán.

A orde ministerial do 28 de maio de 1999 (BOE nº 139, do 11 de xuño), de desenvolvemento do capítulo primeiro do título II, do regulamento da Lei de ordenación dos transportes terrestres, sobre condicións previas para o exercicio das actividades de transportista e auxiliares e complementarias do transporte, modifican o réxime das probas para a obtención da capacitación profesional, refundindo e establecendo unicamente as modalidades de transporte interior e internacional de mercadorías e a de transporte interior e internacional de viaxeiros.

Por iso, a convocatoria prevé as probas referidas a dúas modalidades actualmente vixentes de acceso á capacitación profesional (1. Transporte interior e internacional de viaxeiros e 2. Transporte interior e internacional de mercadorías).

Na súa virtude, de conformidade coas previsións contidas na Lei 16/1987 e Lei orgánica 5/1987, de 30 de xullo, Real decreto 1551/1988, do 23 de decembro (BOE nº 311, do 28 de decembro), Real decreto 1211/1990, do 28 de setembro (BOE nº 260, do 30 de outubro) e orde ministerial do 28 de maio de 1999 (BOE nº 139, do 11 de xuño) e de acordo coa autorización conferida pola orde da Consellería de Ordenación do Territorio e Obras Públicas do 8 de xuño de 1989 (DOG nº 119, do 22 de xuño)

DISPOÑO:

Artigo único.-Convócanse probas de capacitación profesional para o exercicio das actividades de transportista por estrada, de axencia de transporte de mercadorías, transitario e almacenista-distribuidor,

procedéndose a designar o tribunal encargado de avalialas, de acordo coas seguintes

BASES

Primeira.-Ámbito das probas.

Convócanse probas de constatación da capacitación profesional para o exercicio das actividades de transportista por estrada, de axencia de transporte de mercadorías, transitario e almacenista-distribuidor; que se celebrarán na Comunidade Autónoma de Galicia.

Segunda.-Exercicios.

Os exercicios de que constarán as probas, a súa estrutura, forma de cualificación e áreas de coñecemento, serán as establecidas na orde do Ministerio de Fomento do 28 de maio de 1999 (BOE nº 139, do 11 de xuño), reguladora das devanditas probas.

Terceira.-Solicitudes.

1. A instancia na que se solicita tomar parte nas probas debidamente cuberta, de conformidade co modelo que se adxunta a esta resolución, (anexo I), presentarse no rexistro xeral da Consellería de Política Territorial, Obras Públicas e Vivenda, sita no edificio administrativo de San Caetano, Xunta de Galicia, Santiago de Compostela, ou por calquera dos medios previstos no disposto na vixente Lei 30/1992, do 26 de novembro, de réxime xurídico das administracións públicas e do procedemento administrativo común, no prazo de 20 días naturais contados a partir do día seguinte á publicación no *Diario Oficial de Galicia* desta convocatoria.

2. Á solicitude deberase acompañar a fotocopia do DNI vixente, achegando, se é o caso, xustificante acreditativo da súa renovación, e o impreso de taxa autoliquidación correspondente á Administración. Só se admitirá que o domicilio sexa distinto ao que aparece no dito documento cando se dea algunha das seguintes circunstancias:

a) Que o aspirante acredite mediante certificado orixinal de empadramento, no que deberá figurar a data de alta no padrón municipal, que tivo o seu domicilio en lugar distinto polo menos 185 días naturais do último ano, contados ata o día de finalización do prazo de presentación de solicitudes para concorrer ás probas.

b) Que o aspirante acredite que, aínda que tivera o seu domicilio en lugar distinto menos de 185 días do último ano, viuse na obriga, por razóns familiares ou profesionais a trocar a súa residencia. Esta derradeira circunstancia non se entenderá cumprida cando se trate dunha estadía temporal nunha localidade para a realización dunha actividade de duración determinada. A asistencia a unha universidade, escola ou centros docentes non implicará o traslado da residencia habitual. Nestes supostos, xunto ao certificado orixinal de empadramento, acompañarase a documentación oportuna (a título de exemplo: certificado do centro de traballo ou copia do contrato de traballo).

3. A consignación de datos falsos na solicitude ou na documentación fornecida polos aspirantes sancionárase coa anulación da solicitude, sen prexuízo das demais medidas legais que corresponda.

Cuarta.-Dereitos de exame.

1. De conformidade co anexo 2 da Lei 6/2003, do 9 de decembro (DOG nº 240, do 11 de decembro), Lei 8/2003, do 23 de decembro (DOG nº 251, do 29 de decembro), os dereitos de exame fíxanse na cantidade de dezanove con sesenta e oito euros (19,68 €), por cada unha das actividades mencionadas ás que cada interesado se presente, e ingresarase unha vez cubertos os impresos de taxas (Consellería de: PTO PV, Cod.: 06; Delegación de: SSCC, Cod.: 13, Servizo de: Transportes, Cod.: 02; Denominación: dereitos exame capacitación; Clave: 31.01.06), que se poderán obter nos servizos centrais da Consellería de Política Territorial, Obras Públicas e Vivenda, nos servizos provinciais de transportes ou nas delegacións provinciais da citada consellería.

2. Rematado o prazo de presentación de solicitudes, a Dirección Xeral de Transportes da Consellería de Política Territorial, Obras Públicas e Vivenda, procederá á revisión das mesmas.

Ultimado o proceso, expóranse nos taboleiros de anuncios dos organismos a que fai referencia o punto anterior, a lista provisional de admitidos e excluídos con indicación do motivo da súa exclusión.

3. Os aspirantes excluídos disporán dun prazo de 15 días naturais contados a partir do día seguinte ao da exposición da devandita lista, para poder emendar, se é o caso, o defecto que motivou a súa exclusión.

4. Á vista das peticións de emenda presentadas, a Dirección Xeral de Transportes da Consellería de Política Territorial, Obras Públicas e Vivenda, publicará no *Diario Oficial de Galicia* a resolución pola que se anuncia a exposición pública das listas definitivas de admitidos e excluídos nos organismos a que fai referencia o número 1 da base cuarta, podendo obter información chamando ao teléfono 981 54 45 90.

5. Devolveranse os dereitos de exame aos solicitantes excluídos definitivamente das probas, sempre que no prazo dun mes contado a partir da publicación no *Diario Oficial de Galicia* da resolución de referencia no número 4 da base cuarta, sexa solicitado segundo modelo que figura nesta resolución como anexo II.

Quinta.-Tribunal, datas e lugar dos exames:

1. O tribunal cualificador das probas estará constituído polos seguintes membros da Dirección Xeral de Transportes:

Presidente: David González Coalla.

Presidente suplente: Carlos González Rodríguez.

Vogais:

Javier García de Bidegain.

Rodrigo López Asorey.

Fidel González Deus.

Vogais suplentes:

Luisa García Vilela.

Maria del Mar Estévez Mosquera.

Antón García Río.

Secretario: Jesús Magariños Negreira.

Secretaria suplente: Pilar Méndez Vázquez.

2. Para efectos de cualificación, e de conformidade co Decreto 144/2001, do 7 de xuño (DOG nº 122, do 25 de xuño), cualifícase o tribunal como de categoría primeira.

3. Calendario, horario e lugar.

Os exercicios terán lugar o día 10 de setembro de 2005 no Pazo de Congresos e Exposicións de Galicia, San Lázaro s/n, Santiago de Compostela, co seguinte horario:

9.30 h: transporte interior e internacional de mercadorías para aqueles aspirantes dos que a primeira letra do primeiro apelido estea comprendida entre as letras A-H (ambas inclusive).

16.30 h: transporte interior e internacional de mercadorías para aqueles aspirantes dos que a primeira letra do primeiro apelido estea comprendida entre as letras I-Z (ambas inclusive).

9.30 h: transporte interior e internacional de viaxeiros para aqueles aspirantes dos que a primeira letra do primeiro apelido estea comprendida entre as letras I-Z (ambas inclusive).

16.30 h: transporte interior e internacional de viaxeiros para aqueles aspirantes nos que a primeira letra do primeiro apelido estea comprendida entre as letras A-H (ambas inclusive).

As portas do recinto abriranse 30 minutos antes da hora fixada para o inicio dos exercicios procedéndose ao seu comezo na hora sinalada. Os aspirantes deberán acudir provistos de bolígrafo de tinta azul, DNI e o xustificante acreditativo do pagamento da taxa.

Os aspirantes presentaran ao tribunal correspondente no momento do comezo dos exercicios o orixinal do seu documento nacional de identidade.

O enderezo que figure na solicitude considerárase como único válido para efectos de notificación, sendo responsabilidade exclusiva do solicitante tanto o erro na súa consignación, como a comunicación á Dirección Xeral de Transportes de calquera cambio do mesmo.

Santiago de Compostela 16 de xuño de 2005.

Valeriano Martínez García
Director xeral de Transportes

ANEXO I



XUNTA DE GALICIA
 CONSELLERÍA DE
 POLÍTICA TERRITORIAL,
 OBRAS PÚBLICAS E VIVENDA
 Dirección Xeral de Transportes

PROCEDIMENTO PROBAS PARA A OBTENCIÓN DA CAPACITACIÓN PROFESIONAL PARA O EXERCICIO DA ACTIVIDADE DE TRANSPORTE POR ESTRADA E OPERADOR DE TRANSPORTE	CÓDIGO DO PROCEDIMENTO OT312A	DOCUMENTO SOLICITUDE
--	---	--------------------------------

A. DATOS DO/DA SOLICITANTE

NOME E APELIDOS		DNI Nº	
ENDEREZO			
RUA			Nº
LOCALIDADE	PROVINCIA	CÓDIGO POSTAL	TELÉFONO

B. PROBAS ÁS QUE SE PRESENTA

<input type="checkbox"/> TRANSPORTE INTERIOR E INTERNACIONAL DE <u>MERCADORÍAS</u> .
<input type="checkbox"/> TRANSPORTE INTERIOR E INTERNACIONAL DE <u>VIAXEIROS</u> .

(Sinala cunha cruz o cadro/s que corresponda)

A este impreso xuntaráse a fotocopia do DNI e do de liquidación de taxas que poderá recollerse na Dirección Xeral de Transportes, servizos provinciais de Transportes ou delegacións provinciais da CPTOPV, facendo constar:

CONSELLERÍA: CPTOPV.
 CÓD.: 06.
 DELEGACIÓN: SS.CC.
 CÓD.: 13.
 SERVIZO DE: TRANSPORTES.
 CÓD.: 02.
 DENOMINACIÓN: DEREITOS DE EXAME PROBAS CAPACITACIÓN TRANSPORTISTA.
 CLAVE: 31.01.06.

LEGISLACION APLICABLE <i>Resolución do 16 de xuño de 2005, da Dirección Xeral de Transportes, pola que se convocan probas de constatación da capacitación profesional para o exercicio das actividades de transportistas por estrada, axencia de transporte de mercadorías, transitario e almacenista-distribuidor.</i>
SINATURA DO SOLICITANTE
. de . de

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA
REVISADO E CONFORME		DATA DE EFECTOS
		DATA DE SAÍDA

*Presidente do tribunal cualificador das probas de capacitación profesional para a actividade de transportista.
 Consellería de Política Territorial, Obras Públicas e Vivenda.
 Dirección Xeral de Transportes. Praza de Europa 5 A 2ª planta. Políg. As Fontiñas - Santiago de Compostela*

ANEXO II



XUNTA DE GALICIA
 CONSELLERÍA DE
 POLÍTICA TERRITORIAL,
 OBRAS PÚBLICAS E VIVENDA
 Dirección Xeral de Transportes

PROCEDIMENTO DEVOLUCIÓN DE TAXAS DE DEREITOS DE EXAME PARA A OBTENCIÓN DA CAPACITACIÓN PROFESIONAL PARA O EXERCICIO DA ACTIVIDADE DE TRANSPORTISTA POR ESTRADA E OPERADOR DE TRANSPORTE	CÓDIGO DO PROCEDIMENTO OT312B	DOCUMENTO SOLICITUDE
---	---	--------------------------------

A. DATOS DO/DA SOLICITANTE

NOME E APELIDOS		DNI Nº	
ENDEREZO			
RUA			Nº
LOCALIDADE	PROVINCIA	CÓDIGO POSTAL	TELÉFONO

SOLICITO:

A devolución dos dereitos de exame das probas de capacitación de transportista.

B. DATOS DA ENTIDADE BANCARIA

ENTIDADE	SUCURSAL	D.C.	NÚMERO CONTA
_____	_____	_____	_____
_____	_____	_____	_____

LEGISLACIÓN APLICABLE <i>Resolución do 16 de xuño de 2005, da Dirección Xeral de Transportes, pola que se convocan probas para a constatación da capacitación profesional para o exercicio das actividades de transportistas por estrada, axencia de transporte de mercadorías, transitario e almacenista-distribuidor.</i>
SINATURA DO SOLICITANTE _____ de _____ de _____

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA
REVISADO E CONFORME		DATA DE EFECTOS
		DATA DE SAÍDA

*Presidente do tribunal cualificador das probas de capacitación profesional para a actividade de transportista.
 Consellería de Política Territorial, Obras Públicas e Vivenda.
 Dirección Xeral de Transportes. Praza de Europa 5 A 2ª planta. Políg. As Fontiñas - Santiago de Compostela*

Resolución do 16 de xuño de 2005 pola que se lle dá publicidade ao acordo do tribunal encargado de avaliar as probas para a obtención da capacitación profesional para o exercicio da actividade de transporte por estrada, axencia de transportes, transitario e almacenista-distribuidor, convocadas por resolución da Dirección Xeral de Transportes do 3 de xaneiro de 2005, polo que se elevan a definitivas as relacións provisionais de aprobados.

Publicadas o 23 de maio de 2005 as relacións provisionais de aprobados correspondentes ás probas de constatación profesional para a actividade de transportista por estrada, axencia de transportes, transitario e almacenista-distribuidor, convocadas por Resolución do 3 de xaneiro de 2005, transcorrido o prazo establecido para presentar as correspondentes reclamacións, e unha vez examinadas estas, este tribunal

ACORDA:

Primeiro.-Eleva a definitivas as relacións provisionais de aprobados.

Segundo.-Expoñer as devanditas relacións nos lugares establecidos para o efecto na resolución de convocatoria.

Tercero.-Que se publique este acordo no *Diario Oficial de Galicia*.

Contra esta resolución pode interpoñerse recurso de alzada ante o director xeral de Transportes (CPTOPV), da Xunta de Galicia, no prazo dun mes contado a partir do día seguinte ao da publicación no *Diario Oficial de Galicia* deste acordo. Transcorridos tres meses desde a interposición do recurso sen que se notifique a súa resolución, entenderase desestimado, e quedará expedita a vía procedente.

Santiago de Compostela, 16 de xuño de 2005.

David González Coalla
Presidente do Tribunal

**CONSELLERÍA DE POLÍTICA
AGROALIMENTARIA E
DESENVOLVEMENTO RURAL**

Orde do 31 de maio de 2005 pola que se declara a alienabilidade dos predios da Comunidade Autónoma de Galicia que pertencen ao fondo de terras da zona de concentración parcelaria de Vilaframil (Ribadeo-Lugo) (números 7 e 13).

O artigo 31.3º da Lei 12/2001, do 10 de setembro, de modificación da de concentración parcelaria para

Galicia, sinala que a consellería competente en materia de agricultura está autorizada a exercer as funcións dominicais sobre o fondo de terras segundo o establecido na lexislación patrimonial, sen prexuízo do informe previo da Consellería de Economía e Facenda para os actos de disposición sobre bens inmoables.

Con data do 22 de abril de 2004, *Acuinor, S.L.* solicitou a compra dos predios nº 7 e 13 da zona de concentración parcelaria de Vilaframil (Ribadeo-Lugo) que pertencen á Comunidade Autónoma de Galicia en virtude da acta complementaria de reorganización da propiedade da zona de concentración parcelaria de Vilaframil de data 16-3-1994, pola que pasou á titularidade da Comunidade Autónoma de Galicia as terras sobrantes da antedita zona de concentración, entre a que se encontran os predios nº 7 e 13.

Unha vez obtida a inscrición no correspondente rexistro da propiedade do citado ben inmoible, procede declarar a súa alienabilidade de conformidade co disposto no artigo 24 da Lei 3/1985, do 12 de abril, do patrimonio da Comunidade Autónoma de Galicia e no artigo 60 do Decreto 50/1989, do 9 de marzo, polo que se aproba o seu regulamento, co obxecto de posibilitar o tráfico deste ben patrimonial.

En virtude do anteriormente exposto e tendo en conta a memoria xustificativa da Secretaría Xeral da Consellería de Política Agroalimentaria e Desenvolvemento Rural e despois do informe favorable da Consellería de Economía e Facenda,

DISPOÑO:

Artigo único.-Declárase a alienabilidade do ben inmoible que se describe:

-Predio nº 7, da zona de concentración parcelaria do Vilaframil, no sitio de Candil, municipio de Ribadeo, que ten unha superficie de 28.390 m². Estrema: norte, con camiño; sur, predio nº 2 de Rosa Coto López e nº 6 de descoñecidos; leste, con predio nº 8 de Secundino López Díaz; e oeste, co predio nº 2 de Rosa Coto López e camiño. Inscrito no Rexistro da Propiedade de Ribadeo, no tomo 660, libro 285, folio 6, predio 22.227.

-Predio nº 13, da zona de concentración parcelaria do Vilaframil, no sitio de Candil, municipio de Ribadeo, que ten unha superficie de 2.405 m². Estrema: norte, con camiño; sur, predio nº 6 de descoñecidos; leste, con predio nº 14 de Jesús del Río Fernández e oeste, co predio nº 8 de Secundino López Díaz. Inscrito no Rexistro da Propiedade de Ribadeo, no tomo 660, libro 285, folio 12, predio nº 22.233.

Santiago de Compostela, 31 de maio de 2005.

José Antonio Santiso Miramontes
Conselleiro de Política Agroalimentaria e
Desenvolvemento Rural